

續修四庫全書



《續修四庫全書》編纂委員會編

續修四庫全書

上海古籍出版社

一〇二八・子部・醫家類

柳選四家醫案八卷	〔清〕柳寶詒選評	一
醫經正本書一卷	〔宋〕程迥撰	一七一
折肱漫錄七卷	〔明〕黃承昊撰	一七九
裴子言醫四卷	〔明〕裴一中撰	二四三
侶山堂類辯二卷	〔清〕張志聰撰	三一七
醫貫砭二卷	〔清〕徐大椿撰	三七三
慎疾芻言一卷	〔清〕徐大椿撰	四〇九
吳醫彙講十一卷	〔清〕唐大烈輯	四二三
吳鞠通先生醫案五卷	〔清〕吳塘撰	五三七

柳選四家醫案

〔清〕柳寶詒撰評

據湖北省圖書館藏清光緒三十年
惜餘小舍刻本影印原書版框
高一六八毫米寬二五〇毫米

柳選四家醫案

王家樞署

光緒三十三年
孟冬鐫版

江陰
精治書

柳選四家醫案跋

四家醫案跋

或問醫案古有之乎
曰古有診籍扁鵲倉
公傳所記是也曰驗乎
曰古今不同其品齊輕

重不可得而悉也然則
柳先生奚為輯是書
也曰時近而文顯時近
則陰陽之診同文顯則
質直而易曉抑且商

推微眇稱量而出不啻
其自為之也

先生所輯者以家今先
刊者四種其門人王君
吉臣柳君頌餘金君蘭

升句資成之三君守師
法萬風義良之稱述
金君屬叙於余不知
皆勉贅數語以質世
之善讀書者時

光緒甲辰四月

常熟翁同龢



江陰柳氏惜餘小舍醫學叢書總目

- | | |
|------|---------------|
| 第一種 | 素問說意 |
| 第二種 | 溫熱逢原上中下三卷 |
| 第三種 | 瘧痢逢原兩卷 |
| 第四種 | 惜餘醫話四卷 |
| 第五種 | 評選靜香樓醫案上下兩卷 |
| 第六種 | 評選繼志堂醫案上下兩卷 |
| 第七種 | 評選環谿草堂醫案上中下三卷 |
| 第八種 | 評選愛廬醫案一卷 |
| 第九種 | 評選琴川醫案三卷 |
| 第十種 | 梓賢醫案十六家 |
| 第十一種 | 清芬醫案 |
| 第十二種 | 鴻雪醫案 |

柳氏叢書

卷首總目

惜餘小舍

惜餘小舍評選各家醫案編目次序

- | | | | |
|------|----|----|----|
| 內傷雜病 | 勞倦 | 七情 | 脾胃 |
| 類中 | 中風 | 類中 | |
| 痿痺 | 痿躄 | 痺痛 | 麻木 |
| 拘攣 | | | |
| 內風 | 肝風 | 痙厥 | 眩暈 |
| 神志 | 顛狂 | 癇 | 怔忡 |
| 驚悸 | 健忘 | 不寐 | |
| 痰火 | | | |
| 痰飲 | 飲證 | 痰閉 | |
| 欬喘 | 欬嗽 | 喘哮 | 失音 |
| 喉痺 | 肺癰 | 肺痿 | |
| 失血 | 欬血 | 衄血 | |
| 虛損 | | | |
| 汗 | | | |
| 消 | | | |
| 諸鬱 | 氣鬱 | | |
| 嘔噦 | 嘔吐 | 噎膈 | 反胃 |
| 呃逆 | 噎噎 | 噎噎 | 噎噎 |
| 伏氣 | 溫熱 | | |
| 外感 | 風溫 | 冒寒 | 雜感 |
| 暑 | 中暑 | 傷暑 | 伏暑 |
| 濕 | 濕熱 | 寒濕 | |
| 痧疫 | 瘟疫 | 霍亂 | 時痧 |

柳氏叢書

卷首編目

惜餘小舍

瘡疾

黃痺

痺氣

胸痺

肺痺

腸痺

胞痺

腕腹痛

脘痛

腹痛

少腹痛

厥痛

疝氣

癰瘰

癰瘰

積聚

腫脹

鼓脹

疔滿

浮腫

頭痛

頭風

肢體諸痛

肩臂

胸背

脇肋

腰脊

膝肢

節諸痛

諸竅

七竅

咽喉

腳氣

遺精

小便

淋濁

癰閉

洩血

痢疾

泄瀉

大便

便血

痔漏

脫肛

便閉

交腸

蟲

狐惑

諸蟲

蟲毒

內癰

外瘍

雜證

痰癰

婦人

胎前

產後

經帶

雜病

柳氏叢書

卷首 編目

三 惜餘小舍

小兒

凡編選醫案其分列門類最難清楚蓋一病中每有兼證錯見既可列於此門亦可入於彼類也此次擬定總目四十而以子目分註於下凡集中錄案多者標明總目分門編列如錄案無多即不復分標門類而編列前後則仍依此目為序以便讀者可依目檢尋也

柳氏叢書

卷首 編目

四 惜餘小舍

江陰柳氏醫學叢書之五

評選靜香樓醫案兩卷

此案爲尤在涇先生所著先生名怡字在涇自號
飼鶴山人江蘇長洲縣人邃於醫學於仲景書尤
能鑽研故訓獨標心得時吳下以醫名者如葉氏
桂徐氏大椿王氏子接均煊耀一時先生與之聯
鑣接軫輝映後先於醫道中可謂能樹一幟者所
著有傷寒論貫珠集金匱心典醫學讀書記均刊
行惟此案未經授梓其附刻於讀書記後者僅有
三十餘條非全本也此本爲吾邑吳氏所鈔藏咸

靜香樓醫案

卷首

五

惜餘小舍

豐兵燹後詒於詹文橋張氏齋頭見之假歸鈔錄
復就其中選精粹者得十之五評錄如左分上下
兩卷竊念近時醫學荒廢其簡陋剽襲毫無心得
者無論已間有鑽研古籍不知通變者動輒以仲
景爲家法而咎今人不能用古方目爲庸陋其實
古方今病往往枘鑿不相入執而用之僨事者多
矣及讀先生此案而不覺憬然有悟也先生博極
羣籍尤服膺仲景之書所著傷寒論金匱兩注上
溯仲景心傳獨抒己見讀其書者無不知先生之
於仲景不啻升其堂而入其室已乃觀此案論病

靜香樓醫案

卷首

六

惜餘小舍

則切理鑒心源流俱澈絕不泛引古書用藥則隨
證化裁活潑潑地從不蹈襲成方可見食古期乎
能化裁制貴乎因時彼徒執古書者不且與王安
石之周官房琯之車戰其弊適相當哉是故讀他
人之案有不用古方者或猶疑其服古未深未能
得力於仲景也若先生則讀書不可謂不多用功
不可謂不切其沈酣於仲景之書尤不可謂其不
深乃其論病之平易近情也如是立方之妥帖易
施也如是是則此案不第爲治病之良規并可爲
讀古之心法已用書之以諸後之讀此案者光緒

二十六年庚子二月下旬江陰後學柳寶詒識

評選靜香樓醫案上卷

江陰柳氏醫
學叢書之五

長洲尤 怡在涇著

江陰柳實詒穀孫選評

及門諸子 參校

內傷雜病門

○陰虧於下。陽浮於上。服八味丸不效者。以附子走竅。不能收納耳。宜加減法。

桂都氣丸

詒按。議論精細。可爲用藥者。開一悟境。

○肝陽盛。肝陰虛。吸引及腎。腎亦傷矣。益肝體。損肝用。靜香樓醫案。卷上。內傷雜病。惜餘小舍。

滋養腎陰。俾水木相榮。病當自愈。

生地 白芍 小薊 赤芍 當歸 血餘 丹皮

阿膠 甘草 茅根

詒按。此必因肝火而見血者。故方藥如此。

○左關獨大。下侵入尺。知肝陽亢甚。下吸腎陰。陰愈虧。則陽益張矣。滋水清肝。乃正法也。

知藥八味丸加天冬 龜板 杞子

詒按。方中似宜再增清肝之品。

○陰不足者。陽必上亢。而內燭。欲陽之降。必滋其陰。徒恃清涼無益也。

生地 知母 甘草 黑梔 麥冬 元參
丹皮 地骨皮

詒按。案語精粹。有名雋氣。

○腎精不足。肝火乘之。故有筋攣骨痠耳聾。一陰氣出。等語。夫肝火宜泄。腎精宜閤。於一方之中。兼通補之法。庶幾合理。然非旦夕所能奏功也。

生地 川棟子 茯苓 阿膠 丹皮 女貞子

詒按。論病深中肯綮。方中可增白芍牡蠣。

○肝陰不足。肝火偏勝。傷肺則欬。自傷則脇痛。

阿膠 兜鈴 丹參 炙草 歸身 白芍

靜香樓醫案。卷上。內傷雜病。惜餘小舍。

玉竹 川斛

詒按。既有脇痛見證。似當兼與通絡清肝。宜加丹

皮山梔青皮橘絡旋覆等味。

○咯血脇痛。項下有核。脈數惡熱。咽痛便溏。此肝火乘脾之證。反能食者。脾求助於食。而又不能勝之。則痞耳。治在制肝益脾。

白芍 茯苓 川連 牡蠣 炙草 木瓜

益智 阿膠

詒按。論病明快。方中擬加丹梔夏枯草。

○飲食既少。血去過多。陰氣之傷。益已甚矣。茲復憂勞。

驚恐志火內動陰氣益傷致有心煩體痛頭疼等證是當滋養心肝血液以制浮動之陽者也

生地 石斛 麥冬 丹皮 元參 知母

茯苓 甘草

論按肝陰既虧肝火上升宜再加歸芍以滋養之
羚羊菊梔以清泄之

○肝藏失調侵脾則腹痛侮肺則乾欬病從內生非外感客邪之比是宜內和藏氣不當外奪衛氣者也但脈弱而數形瘦色槁上熱下寒根本已漓恐難全愈

歸身 白芍 炙草 茯苓 桂枝 飴糖

靜香樓醫案 卷上 內傷雜病

惜餘小舍

論按此內補建中法宜於腹痛而不宜於乾欬宜加清肝保肺之味乃為周匝

○形盛脈充兩尺獨虛下體麻痺火浮氣急此根本不固枝葉雖盛未足恃也

熟地 山藥 沙苑 杞子 丹皮 茯苓

桑椹 牛膝

論按如此脈證似可參用腎氣法以溫攝之

○真陽以腎為宅以陰為妃腎虛陰衰則陽無偶而蕩矣由是上炎則頭耳口鼻為病下走則膀胱二陰受傷自春及秋屢用滋養清利之劑欲以養陰而適以傷陽

不能治下而反以戕中內經所謂熱病未已寒病復起者是也鄙意擬以腎氣丸直走少陰據其窟宅而招之同聲相應同氣相求之道也所慮者病深氣極藥入不能制病而反為病所用則有增劇耳

腎氣丸

論按立論透切醫案中僅見之作

○真陽氣弱不榮於筋則陰縮不固於裏則精出不衛於表則汗泄此三者每相因而見其病在三陰之樞非後世方法可治古方八味丸專服久服當有驗也

八味丸

靜香樓醫案 卷上 內傷雜病

惜餘小舍

論按見識老到議論明確此為可法可傳之作

○胃寒背冷食入則倦喜溫惡清以背為陽位胃為陽土土寒則食不運陽傷則氣不振也治宜溫養陽氣

人參 桂枝 益智仁 厚朴 炮薑

茯苓 炙草 白朮

論按此溫中和氣平正通達之方

○中氣虛寒得冷則瀉而又火升齒衄古人所謂胸中聚集之殘火腹內積久之沈寒也此當溫補中氣俾土厚則火自斂

四君子湯加益智仁 乾薑

詒按議病立方均本喻氏近時黃坤載亦有此法

類中問

○類中偏左於法爲逆猶幸病勢尙輕可以緩圖取效原方補少通多最爲合理惟是陽脈則緩陰脈則急所以指節能屈不能伸此亦病之關鍵處不可忽也經云肝苦急宜食甘以緩之於前方中增進陰藥之甘潤者一二更爲美備

人參 茯苓 半夏 白朮 炙草 橘紅

麥冬 竹瀝 薑汁

詒按此六君加麥冬竹瀝薑汁也

靜香樓醫案 卷上 類中

五 惜餘小舍

再診 加當歸

○脈虛而澹左半手足麻痺食不知味此氣血不能運行周體乃類中之漸也

桂枝 茯苓 歸身 半夏 炙草 黃耆

天麻 首烏

詒按滋養陳化虛實兼到

○內風本皆陽氣之化然非有餘也乃二氣不主交合之故今形寒跗冷似宜補陽爲是但景岳云陽失陰而離者非補陰無以攝既散之元陽此證有升無降舌絳牽掣瘡不出聲足蹙不堪行動當與河間肝腎氣厥同

例參用丹溪虎潛法

熟地 萸肉 牛膝 鎖陽 虎骨 龜板

詒按持論明通立方簡當

再診 地黃飲子去附子加鹿鞭子煎膠打丸

○熱風中絡口歪舌蹇咽痛治以清滋

羚羊角 元參 鈎藤 甘菊 甘草

再診 生地 阿膠 麥冬 知母 貝母 甘菊

甘草 元參

三診 咽喉乾痛滋清不愈宜從降導

靜香樓醫案 卷上 類中

六 惜餘小舍

腎氣丸 淡鹹湯送下

詒按先清之繼滋之終用引火下行之法步伐井然凌躡急功者可取法焉

○方書每以左癱屬血虛右癱屬氣虛據述頻年已來齒疼舌赤常有精濁納穀如昔卒然右偏肢痠舌強口喎語蹇脈浮數動此乃肝腎兩虛水不涵木肝風暴動神必昏迷河間所謂肝腎氣厥舌瘡不語足痺無力之證但腎屬坎水眞陽內藏宜溫以攝納而肝藏相火內寄又宜涼以清之溫腎之方參入涼肝是爲複方之用地黃飲子去桂附 加天冬 阿膠

詒按即古法而化裁之。參詳脈證斟酌盡善。

○寒熱後邪走手少陰之絡。猝然不語。肩背牽引不舒。宜辛以通之。

菖蒲 遠志 甘草 木通 當歸 丹皮

丹參 茯苓

詒按方法輕靈。恰合餘邪入絡治法。

○脈濡按之則弦。右肩及手指麻木。兩腿痠癢。難以名狀。此脾飲肝風相合為病。乃類中之漸。不可不慎。

首烏 天麻 刺蒺藜 羚羊角 炙草

茯苓 半夏 白芍 丹皮 廣皮 薑汁和竹瀝

靜香樓醫案 卷上 類中

泛丸

詒按以二陳薑汁竹瀝除痰飲。以丹芍羚羊首烏

天麻治肝風。兩層俱到。就見證論。歸身牛膝橋絡

亦可加入。

痰癰門

○脈虛而數。兩膝先軟後腫。不能屈伸。此溼熱乘陰氣之虛而下注。久則成鶴膝風矣。

生地 牛膝 茯苓 木瓜 丹皮 薏仁

山藥 萸肉 澤瀉 萆薢

詒按正虛着邪。故補散宜並用。溼而兼熱。故滋燥

不可偏。此以六味治陰虛。增入牛膝木瓜薏仁萆薢以除溼熱。所謂虛實兼顧也。

內風門

○肢麻頭運。此肝病也。便溼食減。脾亦病矣。宜節勞養氣。毋致風動為佳。

羚羊角 白朮 刺蒺藜 茯苓 炙草

天麻 白芍 廣皮

詒按肝脾兩治。方法周到。

○眩運嘔惡胸滿。小便短而數。口中乾。水虧於下。風動於上。飲積於中。病非一端也。

靜香樓醫案 卷上 內風

羚羊角 細生地 鉤勾 天麻 茯苓

廣皮 半夏 竹茹

詒按病非一端。方卻打成一片。非熟於制方之義者。不能擬再增生牡蠣。

再診 前方去生地 加麥冬

三診 人參 茯苓 麥冬 羚羊角 天麻

半夏 炙草 石斛 廣皮

○肝陰不足。則火動生風。脾失健運。則液聚成痰。調理肝脾。當漸愈也。

半夏 茯苓 廣皮 鉤勾 生地 竹瀝

麻仁汁

論按案屬通論方中宜加用白芍方能顧到肝經再診和養中氣

人參 陳皮 生穀芽 石斛 茯苓 木瓜

○肝陽化風逆行脾胃之分胃液成痰流走肝膽之絡右腿麻痺胸膈痞悶所由來也而風火性皆上行故又有火升氣逆鼻衄等證此得之飢飽勞鬱積久而成非一朝一夕之故也治法清肝之火健脾之氣亦非旦夕可圖已

羚羊角 廣皮 天麻 甘草 枳實 半夏

靜香樓醫案 卷上 內風 九 惜餘小舍

茯苓 白朮 麥冬

論按持論明通立方周匝看似平淡無奇實非老手不辦○亦當加入白芍

○此肝風挾痰上逆之證肢冷自汗有似陽脫實非脫也目與唇口牽引時復歌笑治宜先卻邪氣而後養正

羚羊角 白茯苓 竹茹 鬱金 半夏

甘草 鈎勾 橘紅

論按治法的當○時復歌笑是心藏受邪之象菖蒲遠志膽星清心牛黃丸之類均可選入

○肝屬風木性喜衝逆其變動為振搖強直其治法宜

柔木熄風

細生地 鈎勾 歸身 茯苓 阿膠 天麻

羚羊角 山藥 柏子仁 刺蒺藜

論按此方可加木瓜白芍

○脾失運而痰生肝不柔而風動眩運食少所由來也

白朮 天麻 首烏 廣皮 半夏 羚羊角

茯苓 鈎勾

論按案語簡鍊方亦純淨

○四肢稟氣於脾胃脾胃虛衰無氣以稟則為振顫七虛木必搖故頭運也

靜香樓醫案 卷上 內風 十 惜餘小舍

歸芍六君子湯加黃耆 天麻

論按案語說理樸實立方以扶正為主似宜再加熄風之品其所加之黃耆恐非肝風升動者所宜

○木旺乘土土氣不宣痰涎鬱聚傳走經絡故頭旋脚弱有似虛象實則未可徒補也

首烏 橘紅 茯苓 薏仁 木瓜 鈎藤

刺蒺藜 半夏 炙草

論按首烏似嫌其瀟不如用生於朮為妥擬再加牛膝竹瀝薑汁

神志門

○驟雨觸驚神出於舍。舍空痰入神不得歸。是以有恍惚昏亂等證。治當逐痰以安神藏。

半夏 膽星 鈎藤 竹茹 茯苓 橘紅

黑梔 枳實

治按。發病如話如畫。此等方案。非有切實功夫者。不能。所謂成如容易卻艱辛也。

○驚悸易泄。腰疼足軟。有似虛象。而實因痰火。蓋脈不弱數。形不枯瘠。未可遽與補也。

半夏 炙草 秫米 橘紅 茯苓 竹茹

遠志 石菖蒲

靜香樓醫案 卷上 神志

上 惜餘小舍

治按。此秋夏合溫膽加味也。認證既確。立方自然。入殼。

○搖擗厥逆。合目則發。此肝膽痰熱。得之驚恐。病名癰厥。

半夏 橘紅 竹茹 膽星 炙草 石菖蒲

枳實 茯苓

治按。痰火之邪。因驚恐而直犯肝膽。故見證如此。卧則陽氣入於陰。合目則發。是陽氣擾動陰藏。致痰火猝發。而病作也。方中擬加羚羊角黃連。

○驟驚恐懼。手足逆冷。少腹氣衝。即厥。陽縮汗出。下元。

素虧。收攝失司。宜乎助陽以鎮納。第消渴心悸。忽然腹中空洞。此風消肝厥見象。非桂附剛劑所宜。

炒黑杞子 舶茴香 當歸 紫石英 細辛

桂枝

治按。風消肝厥之證。當於溫養中。佐以滋陰。方中細辛一味。不識何意。愚意再加牛膝白芍牡蠣。

○肝火挾痰上逆。為厥顛疾。

半夏 鈎藤 茯苓 枳實 廣皮 竹茹

鬱金 羚羊角

治按。方極清穩。

靜香樓醫案 卷上 神志

王 惜餘小舍

痰飲

○肺飲。

紫苑 半夏 桑皮 白前 杏仁

治按。飲邪在肺。不及於胃。故專用肺藥。

○飲邪射肺為欬。

半夏 杏仁 乾薑 北五味 白芍 炙草

茯苓 桂枝

治按。此治飲正法也。

○秋冬欬嗽。春暖自安。是腎氣收納失司。陽不潛藏。致水液變化痰沫。隨氣射肺。擾喉喘欬。不能卧息。入夜更。

重清晨稍安。蓋痰飲乃水寒陰濁之邪。夜為陰時。陽不用事。故重也。仲景云。飲病當以溫藥和之。金匱飲門。短氣倚息一條。分外飲治脾。內飲治腎。二藏陰陽含蓄。自然潛藏固攝。當以腎氣丸方。減牛膝肉桂。加骨脂以飲精氣。若以他藥發越陽氣。恐有暴厥之慮矣。

腎氣丸減牛膝肉桂 加補骨脂

詒按。此案推闡病原。極其精鑿。

○往昔壯年。久寓閩粵。南方陽氣易泄。中年以來。內聚痰飲。交冬背冷喘嗽。必吐痰沫。胃脘始爽。年逾六旬。強寒喜暖。陽分之虛亦所應爾。不宜搜逐攻劫。當養少陰。靜香樓醫案。卷上 痰飲

三 惜餘小舍

腎藏。仿前輩水液化痰阻氣。以致喘嗽之例。

腎氣丸減牛膝肉桂 加北五味 沈香

詒按。議論明確。立方亦極精當。

○久遺下虛。秋冬欬甚。氣衝於夜。上逆不能安卧。形寒足冷。顯然水泛而為痰沫。當從內飲門治。若用肺藥則謬矣。

桂枝 茯苓 五味 炙草 白芍 乾薑

詒按。古人云。內飲治腎。據此證情。似可兼服腎氣丸。以攝下元。

○肝風與痰飲相搏。內壅藏府。外閉竅隧。以致不寐不

飢。肢體麻痺。迄今經年。脈弱色悴。不攻則病不除。攻之則正益虛。最為棘手。

鈞藤 葛蒲 刺蒺藜 遠志 竹瀝 鬱金

膽星 天竺黃 另指迷茯苓丸臨卧服

詒按。病屬難治。而立方卻周匝平穩。非學有本原者。不能辦此。

○肝陽因勞而化風。脾陰因滯而生痰。風痰相搏。上攻旁溢。是以昏運體痛等證見也。茲口膩不食。右關微滑。當先和養胃氣。蠲除痰飲。俟胃健能食。然後培養陰氣。未為晚也。

靜香樓醫案。卷上 痰飲

古 惜餘小舍

半夏 秫米 麥冬 橘紅 茯苓

詒按。審察病機。以為立方步伐。臨證者宜取法焉。

家語

○風熱不解。襲入肺中。為欬為喘。日晡發熱。食少體倦。漸成虛損。頗難調治。勉擬錢氏阿膠散。冀其肺寧喘平。方可再商他治。

阿膠 茯苓 馬兜鈴 薏米 杏仁 炙草

糯米 芡實

再診 青蒿 丹皮 鼈甲 茯苓 石斛 甘草

歸身 廣皮 白芍